

MANUAL DE LA MOCEDÁ EMIGRANTE D'ASTURIES



YE UNA INICIATIVA DE
MOCEDÁ D'IZQUIERDA ASTURIANA

WWW.MIAS.AS

1. ¿ESTUDIES O TRABAYES?

a. Si estudies fuera d'Asturies, será, seguramente, porque tanto la Universidá d'Uviéu como'l Gobiernu asturianu, nun fixeron los esfuerzos suficientes pa que lo faigas equí. ¿Sabíes qu'abondes universidaes de toa España tán atacaes de moCEDá asturiano que daría de sobra pa montar eses mesmes carreres equí? ¿Por qué nun se mueyen entós los políticos?

b. Si trabayes fuera, sepas en primer llugar que tienes posibilidaes, según el presidente de la to tierra, Vicente Alberto Álvarez Areces, de considerate una "leyenda urbana"... siguiremos falando más p'alantre d'estes considerances más propies d'un rei despóticu. ¿Sabíes que yá en 1993 el grupu de rock asturianu Dixebra entitulaba un discu ¿Asturies o trabayes? falando d'esta triste situación na que se contrapón el poder trabayar a tar equí? Muchos años d'inoperancia política de los mesmos partíos son los que mos traen hasta esto.

2. NUN SON IGUALES TOLES FORMES DE MARCHAR

a. Si la to marcha ye voluntaria y deseyada al 100%, queremos felicitate por tener la posibilidá de facela. Que la to estancia fuera d'Asturies seya prestosa y arriquecedora.

b. Si la to marcha ta condicionada pola imposibilidá de trabayar o estudiar equí, o por nun poder trabayar o estudiar no que tu consideres meyor pa ti, acérqueste muncho a lo qu'Areces vien definiendo como "leyenda urbana", o bien tienes munches papeletes pa selo nun futuru próximu.

3. CONCEPTU DE "LEYENDA URBANA"

a. "Leyenda urbana" ye una manera "d'escurrir el bultu" de los políticos más poderosos d'Asturies cuando se-yos pregunta pola moCEDá qu'obligao tien que marchar tolos años. Cuando dicen que ye una "leyenda urbana" qu'esto ocurra, tán diciendo que TU nun esistes. Esti insultu intolerable básase nuna supuesta naturalidá d'esti fluxu de "cerebros"... pero si Asturies necesita tecnoloxía, ciencia, cultura y trabayu ¿ye normal esti escape?

b. Cerca de 20.000 moces y mozos al añu cruciando'l Negrón, ¡casi nada! Y asina tolos años.

4. CINCO COSES QUE PUEDES FACER

i. Lleva contigo la to condición d'asturiana/u. Agora más que nunca vas notar la to querencia por Asturies, aprovecha pa lleer, infórmate y pensar en clave asturiana (cultura, política, sociedá...)

ii. Guarda los tos llazos cola xente y el to llugar d'orixe. Nun dexes al olvidu tolo que ye tuyo, lo que te define personalmente.

iii. Defendi los tos derechos como habitante del mundu y nun te dexes discriminar ellí onde vayas. Que los complexes d'otres/os nun seyan un insultu contra ti.

iv. Nun pierdas la to capacidá de facer vida n'Asturies. Coses como seguir votando equí resulten importantes pa que la voz de los que tuvistis que marchar cuente, si puede ser, más que nunca.

v. Fai por tener una conciencia crítica colo que t'arrodia. Piensa, llucha y, asina, tresforma.

5. HAI RESPONSABLES DE LA TO SITUACIÓN

a. El Gobiernu asturianu ye'l que xestiona la mayor parte de los asuntos que tienen que ver cola vida de la xente n'Asturies. La emigración de la mocedá por motivos fundamentalmente llaborales ye un problema que nun tán queriendo asumir, un asuntu tresversal (quier dicir qu'afecta a diferentes instituciones, órganos, conseyeríes...).

b. Dientro del "gobiernín", na actualidá participen dos partíos políticos: PSOE y IU-Bloque por Asturias. El PP dende una oposición ficticia mantién al so líder, Ovidio Sánchez, de palmeru.

c. Pero los responsables de too esto nun son entes. Son persones con cara, nome y apellíos. Fundamentalmente, les que vienen gobernando esti llugar del mundu nos últimos años y lustros, pero tamién les que tan n'instituciones estatales (en Madrid) o académiques (como la Universidá). Podemos facer un repasu pelo más significativo:

i. Vicente Alberto Álvarez Areces. (PSOE) Presidente del Gobiernu d'Asturies. Despóticu y maleducáu, tapa la so incapacidá política con insultos. Ye'l mentor de lo qu'él seguramente considerará un chiste: mocedá emigrante d'Asturies = "leyenda urbana". El so gobiernu, camín yá de los ocho años, nun foi quien a tornar esta situación que provoca la fuxida masiva de moxes y mozos del nuesu país.

ii. Juan Antonio Vázquez García. Rector de la Universidá d'Uviéu. Amás de dirixir una universidá falta de munches opciones académiques, muéstrase faltu d'idees y propuestes no que tien que ser una institución del nuesu tiempu, conectada dafechu al mundu llaboral.

iii. Graciano Torre González. (PSOE) Conseyeru de Trabayu y Promoción d'Empléu. ¿A que nun te dieres cuenta qu'esistía esa consejería?

iv. Ovidio Sánchez Díaz. (PP) Presidente del Partíu Popular n'Asturies. Pon cara –nunca meyor dicho– a una supuesta oposición sonce y probetaya que namás s'interesa polos problemes cuando hai beneficiu electoral directu. Amás, arrecostina cola conocencia de que los gobiernos del PP foron igual de nefastos nesta materia, mesmo qu'en munches otres. Un posible cambiü de gobiernu a la derecha, y al mesmu graü d'incompetencia, nun ye, n'absoluto, una bona solución.

v. Laura González Álvarez. (IU-Bloque por Asturias) Consejera de Bienestar y Vivienda. De xuru que te suenen d'algo eses dos palabres: "bienestar" y "vivienda", pero paecen mui esótiques, ¿non? Tanto ella como los sos compañeros de partíu demostraron tar más interesaos en salvar la so causa particular en plenu fundimientu (la propia IU) que nel bien pa tola xente d'Asturies.



Areces



Vázquez



Torre



Sánchez



González

**PSOE - PP - IU CULPABLES
DE QU'EMIGRES!!**



www.mias.as

Eita >>
eita.blogspot.com